



Broj: : 05-04-20-2018-4/25
Maglaj, 29.05.2025. godine

Na osnovu čl. 69. stav (2) tačka d) i 70. Zakona o javnim nabavkama („Službeni glasnik BiH“, br. 39/14, 59/22 i 50/24), člana 24. Pravilnika o javnim nabavkama u Općini Maglaj („Službene novine Općine Maglaj“, broj 13/22) i člana 42. Statuta Općine Maglaj („Službene novine općine Maglaj“, br. 8/07, 3/08, 6/08 i 6/24), u postupku javne nabavke „Izgradnja rezervoara za vodu sa pumpnom stanicom u MZ Kosova“, Općinski načelnik donosi

ODLUKU

o poništenju postupka javne nabavke

I

Poništava se postupak javne nabavke „Izgradnja rezervoara za vodu sa pumpnom stanicom u MZ Kosova“, otvoreni postupak, objavljen na portalu javnih nabavki, obavještenje o nabavci broj 1140-1-3-50-3-53/25 od 06.05.2025. godine, iz razloga što nijedna od primljenih ponuda nije prihvatljiva.

II

Ova odluka ima se objaviti na internetskoj stranici Općine Maglaj, u skladu sa članom 70. stav (6) Zakona o javnim nabavkama.

III

Za realizaciju ove odluke zadužuje se Služba za urbanizam, geodetske i imovinsko-pravne poslove Općine Maglaj.

IV

Ova odluka stupa na snagu danom donošenja.

Obrazloženje

Odlukom o pokretanju postupka, broj 05-04-20-2018/25 od 06.05.2025. godine, pokrenut je postupak javne nabavke „Izgradnja rezervoara za vodu sa pumpnom stanicom u MZ Kosova“, putem otvorenog postupka. Predmetna javna je objavljena na portalu javnih nabavki, obavještenje o nabavci broj 1140-1-3-50-3-53/25 od 06.05.2025. godine. Sažetak obavještenja o nabavci objavljen je u „Službenom glasniku BiH“, broj 27/25.

Procijenjena vrijednost nabavke je 52.137,00 KM bez PDV-a, odnosno 61.000,00 KM sa PDV-om. Kriterij za dodjelu ugovora je najniža cijena.

Postupak je, u skladu sa svojim nadležnostima, provela Komisija za javne nabavke imenovana Odlukom Općinskog načelnika, broj 05-45-1-926/25 od 22.05.2025. godine (u daljem tekstu: Komisija). U toku postupka, Komisija je zaprimila pristiglu ponudu, izvršila njeno otvaranje, pregled i ocjenu, prema zahtjevima i kriterijima iz tenderske dokumentacije, o čemu je sačinila odgovarajuće zapisnike, u skladu sa čl. 63. stav (5) i 65. stav (2) Zakona o javnim nabavkama.

U predmetnom postupku Komisija je utvrdila da je blagovremeno zaprimljena samo jedna ponuda, i to ponuda ponuđača „Huke“ d.o.o. Žepče, zaprimljena dana 27.05.2025. godine u 08,07h, zavedena pod brojem protokola 4675. Neblagovremenih ponuda nije bilo. Zaprimljena ponuda je prihvatljiva prema formi, obliku i potpunosti, odnosno dostavljena je u zatvorenoj koverti, na kojoj su bili navedeni svi podaci traženi tenderskom dokumentacijom. Nakon održanog javnog otvaranja ponuda, Komisija je, na zatvorenoj sjednici, izvršila pregled i ocjenu pristigle ponude, provjeravajući da li ispunjava zahtjeve u pogledu forme, ponuđene cijene, predmeta nabavke, kvalifikovanosti ponuđača i ostalih uslova traženih tenderskom dokumentacijom.

Komisija je utvrdila da ponuđač „Huke“ d.o.o. Žepče ne ispunjava uslove za kvalifikaciju koji se odnose na tehničku i profesionalnu sposobnost, budući da nije dokazao da u radnom odnosu ima odgovarajući stručni kadar, kako je to traženo tenderskom dokumentacijom. Naime, tačkom 3.4. tenderske dokumentacije je propisano da ponuđač u radnom odnosu mora imati osoblje koje ispunjava obrazovne i profesionalne kvalifikacije zahtijevane čl. 99. i 102. Zakona o prostornom uređenju i građenju Zeničko-dobojskog kantona („Službene novine ZDK“, broj 17/23), odnosno da u radnom odnosu ima najmanje jednog diplomiranog inženjera VSS, VII stepen stručne spreme, odnosno osobu visokog obrazovanja najmanje 240 ECTS bodova prvog ciklusa Bolonjskog sistema studiranja, arhitektonske ili građevinske struke, sa najmanje tri godine radnog iskustva na poslovima građenja i položenim stručnim ispitom ili inženjera VSS, VI stepen stručne spreme, odnosno osobu visokog obrazovanja najmanje 180 ECTS bodova prvog ciklusa Bolonjskog sistema studiranja, arhitektonske ili građevinske struke, sa najmanje pet godina radnog iskustva na poslovima građenja i položenim stručnim ispitom. Ponuđač „Huke“ d.o.o. Žepče nije dostavio ugovor o radu, nego ugovor o poslovno-tehničkoj saradnji kojim se angažuje diplomirani inženjer građevinarstva, što za ugovorni organ nije prihvatljivo, jer traženo stručno lice mora biti u radnom odnosu kod ponuđača, kako je to zahtijevano tenderskom dokumentacijom, a propisano kantonalnim Zakonom o prostornom uređenju i građenju.

S obzirom da je u postupku zaprimljena samo jedna ponuda, koja je odbačena kao neprihvatljiva, predmetni postupak se morao poništiti, u skladu sa odredbom člana 69. stav (2) tačka d) Zakona o javnim nabavkama.

Slijedom navedenog, odlučeno je kao u dispozitivu.

POUKA O PRAVNOM LIJEKU: Protiv ove odluke može se izjaviti žalba Uredu za razmatranje žalbi, putem ugovornog organa, Općine Maglaj, u roku od deset dana od dana prijema ove odluke.

DOSTAVLJENO:

1. Ponuđači – putem maila
2. Služba za urbanizam, geodetske i imovinsko-pravne poslove
3. Web stranica
4. a/a

